

Katerimaartarnernut, ininut kikkunnit tamanit iserfigineqarsinnaasunut il. il. killilersuigallarnert pillugit nalunaarummut ilitsersuut

24. februaari 2021-mi kingullermik aaqqissuuteqqitaq

§ 1-imi "katersuunnernut naalakkersuinikkut allatulluunniit isummernissamik siunertalinnut"-mi atuutsitsinnginneq

Naalakkersuinikkut siunertallit

- Naalakkersuineq pillugu katersuunnerit, Inatsisartunit, Naalakkersuisunit, Kommunalbestyrelsinit naalakkersuinikkullu partiinit aaqqissuunneqartut naalakkersuinikkut siunertaqartutut paasineqassapput.
- Katersuunnerit, sulisartut peqatigiiffiinit, soqutigisaqaqatigiinnit, timersoqatigiiffinnit il.il. aaqqissuunneqartut, tunngavimmikkut naalakkersuinikkut allatulluunniit isummernissamik siunertalinnik aallaaveqanngillat, taamaattorli matuma kinguliani allassimasut takukkit.

Allatut isummernissamik siunertallit

- Katersuunnerit isummorsorfiusut katersuunnerupput, inuiaqatigiinni issutsinik saqqummiussiviusut, soorlu akerliussutsimik takutitsiviusut.
- Katersuunnerit, allatut isummernissamit imaluunniit naalakkersuinikkut isummernissamit allaanerusunik saniatigut allanik siunertaqarfiuppata, katersuunnerit taamaattut siunertaqarfii immikkoortillugit isigineqassapput.
- Tassalu katersuunnerit taamaattut maleruagassat assigiinngitsut marluk malillugit suliarineqartassapput:
 - Allatut isummernissamik imaluunniit naalakkersuinikkut isummernissamik siunertaqarfiusunut katersuunnissamut, taakkununga inerteqquteqarneq atuutissanngilaq.
 - Katersuunnissap siunertaata aappaanut, tassunga inerteqquteqarneq atuutissaaq.

Taakku saniatigut naatsorsuutigineqarpoq, Nakorsaaneqarfiup eqqiluisaarnissamut aamma naapertuuttumik pissusilersornissamut innersuussutai kikkunnit tamanit malinneqassasut.

Aaqqissuussinernut tamanut atuuttoq

Illut iluini aaqqissuussinert:

- Inuit ininut qatserisartoqarfinni oqartussaasunit akuerineqarsamik isersimasinnaatitaasut affaat (50%-it) taamaallaat isersimasinnaapput, aamma
- inuit amerlanerpaamik 100-t isersimasinnaapput.

Silami aaqqissuussinerit:

- Inuit amerlanerpaamik 250-it isersimasinnaapput.

”Katersuunnernut naalakkersuinikkut allatulluunniit isummersornissamik siunertalinnut” peqataasussat amerlassusissaannik killilersuisoqanngilaq, taamaattorli *illup iluani* aaqqissuussinerni inuit inuit qatserisartoqarfinni oqartussaasunit akuerineqarsimasunut isersinnaatitaasut amerlanerpaaffissaasa affaannaat (50 %-ii) taamaallaat isersimasarnissaannut tunngatillugu malittarisassaq sulii malinneqassaaq.

Taakku saniatigut naatsorsuutigineqarpoq, Nakorsaaneqarfiup eqqiluisaarnissamut aamma naapertuuttumik pissusilersornissamut innersuussutai kikkunnit tamanit malinneqassasut.

Aaqqissuussinernut il.il *kommunit allanit angalalluni peqataaffigineqartussanut* § 3-mi immikkut maleruagassaqarpoq

Namminerisamik aaqqissuussinerit, soorlu kuisitsinerit, inuuissiornerit, apersortinnerit, soraarummeertoqarneranut atatillugu nalliuttorsioritsinerit, katinernerit ilisinerillu immikkut maleruagassanut ilaangillat.

Aaqqissuussinernut *kommunit allanit angalalluni peqataaffigineqartussanut*, piumasaqaateqarpoq sumi aamma qanoq aaqqissuussineq ingerlanneqassanersoq, tamanna atuuppoq aaqqissuussineq illup iluanikkaluarpasut – imaluunniit silamikkaluarpasut:

- Aaqqissuussami il.il. inuit 50-it sinnerlugit peqataassappata aaqqissuussinerup il.il. ingerlanneqarnera sioqqullugu Nunatta Nakorsaaneqarfianit akuersissutigineqaqqaassaaq. Akuersissuteqarnissamut atatillugu Nunatta Nakorsaaneqarfia piumasaqaatinik aalajangersaasinnaapput. Qinnuteqarnermut aamma akuersissuteqarnermut tunngasut sukumiisumik nun.gl-imi takukkit.
- Aaqqissuussaq il.il. taamaallaat Ilulissani, Aasianni, Qasigiannguani, Qeqertarsuarmi, Kangerlussuarmi, Maniitsumi, Sisimiuni, Nuummi, Paamiuni, Narsami, Narsarsuarmi imaluunniit Qaqortumi ingerlanneqaqqusaavoq, tassa imaappoq Kalaallit Nunaannut nunatsinnilu angalanermi piumasaqaatit pillugit Namminersorlutik Oqartussat nalunaarutaat § 12, imm. 1-imi illoqarfiit tikiffissatut taakkartorneqartuni.
- Aaqqissuussinerup il.il. nalaani illoqarfimmi Covid-19-imik tunillatsittoqarsimasooq paasineqarpat, taava peqataasut tamarmik angerlarlutik angalannginnerminni misissortissapput.
- Aaqqissuussineq il.il. sioqqullugu ulluni 30-ni illoqarfimmi aaqqissuussamik ingerlatsiffiusussami Covid-19-imik tunillatsittoqarpat kommuninit allanit angalalluni peqataasoaqqusaanngilaq.

Nunatta Nakorsaaneqarfia immikkut akuersissuteqarsinnaavoq, pissutsinik piviusunik tamanna tunngavilersorneqarsinnaappat.

Taassuma saniatigut kikkut tamarmik Nunatta Nakorsaaneqarfiata eqqiluisaarnissamut pissuserissaarnissamullu innersuussutaasa malinneqarnissaat naatsorsuutigineqarpoq.

Aaqqissuussinermi il.il. peqataasut

Oqaaseq "peqataasut" § 3-miittoq isumaqarpoq kikkut tamarmik aaqqissuussinermi il.il. najuuttut. Soorlu assersuutigalugu timersornermik aaqqissuussinermi, peqataasoq timersortartuuppat, dommeriuppat, isiginnaartuuppat il.il.

Ullut kingulliit 14-it iluanni nunamut maanga tikissimagaanni imaluunniit meterit marluk iluanni inunnik ullut 14-it iluanni nunamut maanga tikissimasunik attaveqateqarsimagaanni aaqqissuussamut il.il. peqataaneq inerteqqutaavoq.

Aaqqissuussinerup il.il. nalaani illoqarfimmi Covid-19-imik tunillatsittoqarsimasoq paasineqarpat, taava peqataasut tamarmik angerlarlutik angalannginnerminni misissortissapput.

Aaqqissuussamut il.il. akuersissutissamik qinnuteqarneq

Qinnuteqaatit Coronamut tunngatillugu allattoqarfimmut corona@nanoq.gl-imut nassiunneqassapput
Qanoq qinnuteqassanerlutit nun.gl-imi paasissutissanik allanik pissarsigit
Qinnuteqaatit piffissaalluartillugu nassiuguk, ajornanngippat aaqqissuussap allartinnginnerani sap.ak. pingasut sioqqullugu.